



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


You are free to:

**Share** — copy and redistribute the material in any medium or format

**Adapt** — remix, transform, and build upon the material

891-99

2-66



*Handwritten note on the left edge of the cover.*

*Handwritten note on the left edge of the cover.*

*75-91-57*

*488. 2.*

ՎԻՇՏՔ ԻՄ

Ի

ՓԱՐԻԶ

ՅԵՐԵՍԱՑ

ՈՍՏԱՆԻԿԻ Տ. ՄԱՐԳԱՐԵԱՆՅ

ԳՐԵԱՑ

ՆՇԱՆ Ա. ՇԻՐՎԱՆԵԱՆ



Կ. ՊՕԼԻՍ

ՏՊԱԳՐՈՒԹԻՒՆ ԱՐԱՄԵԱՆ

1874

-6 NOV 2011

891.99

7-66

35

ԱՄ ՎԻՇՏՔԻ ԻՄ Ի ՓԱՐԻԶ

ՅԵՐԵՍԱՑ

ՈՍՏԱՆԻԿԻ ՏԷՐ ՄԱՐԳԱՐԵԱՆՑ



ՅՕՐԻՆԵԱՑ

ՆՃԱՆ Ա. ՀԻՐՎԱՆԵԱՆ

ՎԱՆԵՑԻ

ԶՆՈՐ



Կ. ՊՕԼԻՍ


ՏՊԱԳՐՈՒԹԻՒՆ ԱՐԱՄԵԱՆ

1874

15 JUL 2013  
1905 VIII 17

3329

Ն Ա Խ Ե Ր Գ Ա Ն Ք



« Ոչ գիտես զի վաղին զինչ  
ձնանիցի քեզ ».

Սողոմոն.

ՀԱՅՐԵՆԻՔ, ԸՆՏԱՆԻՔ, ԶԱՌԱԿ, ասոնք են մարդոյս ամենանուիրական սիրոյ առարկաները, զորս ունեցած եմ ես ալ, որոց նուիրած եմ կեանքս անգամ : Այնչափ սիրեցի զասոնք որ զիրենք երջանկացնելու համար՝ զիս կորուսելու կը մղուէի կրեմէս :

Քաղցի ընդ երկար, լեռներ, ծովեր, բազաւորութիւնները անջրպէտեցին մեր մէջը : Վանը, Սննաս, Գայիանէս մնացին յարեւելս, իսկ ես յարեւմուտս յափունս Սենայ :

Աստուծո՛ր, ուր շուրջս լի էր երջանկութեամբ, բայց միտքս կը ձգէր կը սանէր զիս յեսս, ուր Հայրենակիցս Ոստանիկ Փարիզու բաղդին գոհարը գտած էր եւ զիս իւր գտած բաղդովը կը խնամածէր : Կը ցաւիմ որ կորսնցուց ամբողջ գտածը, այն է բաղդն ու պատիւը միանգամայն . . . : Անոր հետ ես ալ իմ յոյսը . . . : Յաւ չ'պիտի յայտնէի, եթէ յուսոյ կորսեան հետ անձրս ալ կորսնցնելու վտանգներ չ'կրէի . . . . ., անձս, որ իմս չէր : Ա՛ն, ես, որ . . . երջանկութիւն պիտի պատրաստէի Հայրենեացս, ընտանեացս եւ զաւ-

կիս. ես կը կորսուէի ահա' . . . . : Աստուած փրկեց զիս եւ նորա հաւասարիմ պաշտօնեայն խնամ սարաւ յիս(\*) :

Տեսրակիս պարունակութեան մէկ մասը իղձերս են, մէկ մասն ալ վշտախառն արկածներս : Ոչ բէ ես զանոնք գրած եմ, այլ նոնա զիս նկարագրած են. զորս ի լոյս հանելով Ազգիս պատանեաց կը նուիրեմ :

ՆՇԱՆ Ա. ՇԻՐՎԱՆԵԱՆ



(\*) Հիւնկեար-պէյէնեան Արծանապատիւ Տէր Յովհաննէս Հայրը երկիցս ի բանսն իմ գալով՝ զիս բէ նիւբապէս եւ բէ բարոյապէս մխիթարեց. եւ ի Պօլիս վերադառնալու համար անձնական պիտոյիցս մեծ հոգ սարաւ, առ որ շնորհ շատ ունիմ երախտապատրաստս արհիւ :

# Վ Ի Շ Տ Ք Ի Մ

## Ի ՓԱՐԻՉ

Յ Ե Ր Ե Ս Ա Յ

### ՈՍՏԱՆԻԿԻ Տ. ՄԱՐԳԱՐԵԱՆՑ



#### Ի ՊԱՐՏԻԶԻՆ ԹԻԻԵՅԼԸՌԻԻ

1. Տըխուր սրտով յուսահատած միայնիկ  
Ծառի մը տակ նըստած՝ օրերս յիշէի,  
Ո՛հ այն օրերը որ մանկութեանըս փափկիկ,  
Կ'անուցանէր կեանքն անմեղ յիւր ծոցիկ :
2. Ծուր պարտիզին և պերճուծիւնը իւր շինից,  
Զ'ամոքեցին երբէք սիրտըս տըխրալից.  
Այլքն Սենայ յիմ խառնեցան արտասուս,  
Զ'հարցին երբէք թէ՛նդէր է ինձ այսքան սուգ :
3. Այո՛, Թող յիմ աչաց հոսեն բիւր կայլակը,  
Կայլակը՝ ոյց շիժը աղի և խիստ դառնորակը,  
Թող սուգ պատէ սիրտս ոյր ցաւերն խիստ շատ են,  
Յաւը՝ որ զժշուառս յիւրն Հայրենեաց անջատեն :
4. Ա՛յն Հայրենիք, դու տառապեալ աշխարհ մեր,  
Աշխարհ փառաց երբեմն, իսկ այժմ խիստ աւեր,  
Ե՞րբ ժողովես ի ծոց քոյին մայրական,  
Զորդիսդ ցրուեալ յաշխարհ օտար ւ՛անբնական :
5. Զայն տուէր ինձ, ո՛վ դուր Թռչնեակը երկնապաշտ,  
Եւ դու ծիծառն գուշակ զարնան ւ՛աւուրց ջեր,  
Եւ դու լուսին շքեղ զշխոյ աստեղաց,  
Ո՛հ, ասացէք, զիմնոր զըտանի աշխարհ մեր :

ՆՇԱՆ Ա. ՇԻՐՎԱՆԵԱՆ

Ը Ն Կ Ե Ր

1. Ո՛վ բաղըր անուն, պարզև բարի աստուածեան,  
Նախ ի դրախտին տուեալ օճան մարդկութեան,  
Ըզբեզ որ Էնն ընկեր անուն յորջորջեաց,  
Եւ օգնական մենիկ մարդոյն ընծայեաց :
2. Բայց դըժխեմ բաղը, զինչ սատանայ անպատկառ,  
Միշտ ըզնոյն զօղ խամրէ սիրոյ փըրկարար.  
Համայն ուրեք սփռեալ զաւերսն իւր անշուք,  
Եւ ինըմա հեծեծանք դառն ւ՛արտասուք :
3. Բաբէ, որ քան սէր անասնոց առ ընկերն,  
Եւ որ քան իղձ երախտագէտ առ իւր տէրն,  
Որ յանջատիլն յողորմ հարեալ արտասուք,  
Զ՞ծողուլ կամի, բայց բաժանեն ձեռք անգուծք :
4. Մի թէ և մարդն նուանստ ւ՛րստոր քան զանբանս,  
Կըրէ զգացմունս որ վայելէ մարդկութեանս,  
Ո՞չ սա ստեղծաւ ընկերական ի սկըզբան,  
Լինել սատար առ ընկերն իւր ի նեղութեան :
5. Ո՛չ, չէ կեանքն, կեանք խաղաղ ւ՛անընկեր,  
Եւ ոչ հողին զոր Տէրն ըստեղծ յիւր պատկերն,  
Որպէս ծաղիկ որ առանց լոյս և անշուք,  
Այսպէս թօշնի սիրտն անընկեր իկեանսն իւր :

ՆՏԱՆ Ա. ՏԻՐՎԱՆԵԱՆ

22 յունիս, 1875. Փարիզ.

ՅԱՆԴՐԱՆԻԿ ԴՈՒՍՏՐՆ ԻՄ

Գ Ա Յ Ի Ա Ն Է

1. Ո՞հ, ես ի տար տարաբաղդիկ ի յաշխարհի,  
Դուստր իմ, յորժամ դու ի հայրենիս քո ծընար,

- Ոչ զառաջին լուայ ըզքո բաղըր բարբառ,  
Եւ ոչ ըզքոյդ տեսի զարտօսրն և զաշխարհ:  
Վասն այն այս է ցաւոցս սայր :
2. Հանգիր ի գիրկն մօրդ դիեցիկ, որ, դուստր իմ,  
Մինչև լըցցի թիւ հօր քոյին ոխերիմ,  
Զի դու դժբաղդ դուստր մի դժբաղդ միոյ հօր,  
Որ յիւրն կեանս չ՛ետես զուարթ գէթ մի օր :  
Ո՞հ մինչ ցերբ է ինձ այս օր :
  3. Քեզ հովանի զուծ մայրենի լիցի որ,  
Հրեշտակք անմեղ տարցեն սպաս իբր ծընօղ,  
Թէ պակասի գորովն ի քեզ դժբաղդ հօրդ,  
Երկինք ըզնոյն ակնարկն արկցէ զքև զըծոտ :  
Եթէ ունի երկինք ըզգուծն այն ուղղորդ :
  4. Յորորոցիդ մինչ կապկապած բառնաս ճիչ,  
Եւ մինչ մեղոյշ աչերդ փակին յանոյշ նինջ,  
Ո՞հ, յերազիդ, Գայիանէ, տես ըզհայրդ,  
Եթէ երազն ըստոյգ և իմն է աշխարհի :  
Զստոյգն և ինձ որ, ո՛ տայր :

ՆՏԱՆ Ա. ՏԻՐՎԱՆԵԱՆ

26 յուլիս, 1875. Փարիզ.

Ի ԶԼՈՒԻԿ ԱՂԲԻԻՐՆ

Վ Ա Ր Ա Գ Ա Յ

1. Ի բարձրաբերձ դարեանդէդ թաւալլոր,  
Ժայթեն ալիքդ գըլեալ յուշիկ ի ըստոր,  
Կարկաչասահ յառուս առուս բաժանեալ,  
Ի մարգս ի թուփս խիտ մացառաց սողոսկեալ :
2. Հովիւքն ընդհօտս անմեղ զառանց ընդ եզերսդ,  
Գան տաւաղել յարեգական նեղեալ չերս,  
Եւ բազմազան բոյլք թըռչնեկաց բաղըրախօս,  
Ի հովանուդ ձերպսդ դադարին ի զբօս :



3. Ո՛հ, և իմ աստ զարմնու յուշիկ մանկութեանս,  
Որ ընկերօքս ելեալ երբեմն յուխտ խաչին,  
Նախ առուակիդ առ ամին նրստեալ սըրբութեան,  
Տայաք հանգիստ անձանց խոնջեալ յալեացդ ջինջ :

4. Իսկ այժմ իբէն կամ հեռացեալ իմ դու վայր,  
Եւ դու սիրուն Չըռիկ աղբիւր ի ջուր սառ.  
Գիտեմ ալիքդ պըղտոր զընան դէպ իծով,  
Իբրև ըզսիրտ պանդըխտելոյս լի սըզով :

5. Ո՛հ, մի՛ Չըռիկ, մի՛ դու այդպէս տըխրագին,  
Եւ մի՛ զալիսդ յալիս զեղոյր լալագին,  
Քանի ապրին մանկունք Հայոց Վասպուրեան.  
Քանի ալիքդ վէտ վէտ ի քեզ կան ծըփան,  
Քանի և իմ սիրտս ի հեռուն Սըրժըռայ,  
Քանի և շուք խաչին ի Քեզ հովանայ,  
Ի՛հ, տակաւին Քեզ շատ երկայն կեանք կայ :

ՆՏԱՆ Ա. ՏԻՐՎԱՆԵԱՆ

25 յունիս, 1875. Փարիզ.

ԱՐՏԱՍՈՒՔ ԻՄ Ի ՇԻՐԻՄՆ ԼԵՒՈՆԻ Զ՞Ի ԼՈՒՍԻՆԵԱՆ

ՎԵՐՁԻՆ ԴՃԲԱՂԳ ԹԱԳԱՒՈՐԻՆ ՀԱՅՈՑ

ՈՐ Ի ՍԷՆ ՏԸՆԻ

Վախճանեալ ի Փարիզ. 1595 ի 22 նոյեմբեր.

1. Ա՛հ, թողէք որ զըրկեմ այս քարը և համբուրեմ ջերմիկ սրտով.  
Թողէք որ թանամ զոսկերսն աղբերքն աչացս թագաւորիս.  
Թողէք որ բանամ սըրտիս ցաւոց թերթերն որ ընթեռնու,  
Թողէք որ արթընցնեմ այս քընացողն չորեքդարեան :

2. Ելի՛ր, ձայն տուր, քու սիրելի Հայաստանէն կուգամ Քեզ յուխտ.  
Ո՛չ թէ Քեզ դրօշ յաղթութեան կամ աւետիս բերեմ ընծայ,  
Այլ սուգ և լաց, աւար ու աւեր գերեզմանիդ սըփոեմ յուրտս.  
Զի այն ամէն դու ընդ Քեզ տարար փակել շիրմիդ ի խոր :

3. Ելի՛ր, դու որ երբեմն միջնորդ էիր խաղաղութեան առ ազգս օտար,  
Զըլաննս տալ այժմ ազգիդ քում ըզխաղաղութիւնն այն փրկարար.  
Ե՛լ ու տես Թ՛ինչպէս ցրուեալ ու պառակտեալ կըռփեն զիրեարս,  
Որք աւելի քան զԹշնամին ինքեանք զինքեանըս խոշտանգեն :

4. Ե՛լ, մի թէ չես խըղճար դու յիս որ առ երի գերեզմանիդ,  
Զեռնիկս իծոց, զըլխիկս իկոր, աչերս լըցուած դառն արցունքով,  
Ի գունս անկեալ կը պաղատիմ ան, զամ մի ևս շարժեան զմականդ,  
Զի առցէ ի շարժմանէդ կրկին կեանս խեղճ Հայաստան :

Չ Ա Յ Ն

5. «Գընն, պաշտանի դու, և միգանդորն գերեզմանիս իզուր խոովեր»  
«Զի դառնալից բաժակն Հայուն դեռ չէ հասեալ յատակ մրրին.»  
«Եւ այս զըլուխն իմ վշտակոծ որ ընդ օտար դընի հողովս,»  
«Մի բաճրասցի ի թագն իւր՝ մինչ չև աեսցէ Հայն միացեալ . . . .»

ՆՏԱՆ Ա. ՏԻՐՎԱՆԵԱՆ

21 յունիս, 1875. Փարիզ.

Ա. Բ.

ՏԱՐԱԲԱՂԳ ԱՄՈՒՍԻՆԵ ԻՄ ԱՆՆԱ

1. Հեռու եմ, Աննա, ի քէն և ի սիրոյդ տարիելի,  
Ոյր ի կարօտ վառի սիրտ իմ և ոյր ի բոց իմ հոգի,  
Դու արևելք, ես արևմուտ, երկուքնիս ալ տարաբաղդ,  
Խամրի այսպէս մերկեանքն քաղցր իբրև զարնան վերջին վարդ :

2. Ի՛նչ երջանիկ ժամ էր այն օր սուրբ սեղանոյն առաջի,  
Ա՛հ, երբ դու ձեռքդ ինձ խոստացար լինել ի միմեանց անմեկին,  
Ուխտ մըն էր այս զոր ուխտեցինք, նշան սիրոյ միութեան,  
Զը բաժնուիլ մինչև այն կէտ՝ ուստի բաժնէ գերեզման :

3. Ա՛հ, դեռ լուսին չէր բոլորած զվեցերօրդն իւր շրջան,  
Երբ հիմնեան գունեղ նարօտ մեր փողփողէր ըզ զըլխով,  
Խըլեցին զքեզ զըրկէս և բաժնեցին պսակդ զըլխէս,  
Զինչ շուշան արմատախիլ և զինչ վարդեր վարդենիսէն :

4. Հեռու եմ, Աննա, ի բէն և ի դիմացդ զեղանի,  
Որ զինչ պարտէզ ծաղկանց զուարթ առ իս ժպտէր հոլանի,  
Ո՞հ ծածկեցաւ յիմոց աչացս թշուառութեան մըծին ամպով,  
Իբրև լուսին յերկնից կամար որ սեաւ ծածկի ամպոց բողով:

3. Հեռու եմ Սննա, ի բէն և յանդրանկէս իմ նորածին,  
Զոր դու իզիրկդ բարձեալ զըզուես իսկ ինձ անտի չիք բաժին,  
Ինձ բաժին աստ հեծեծել և նակատիլ ընդ դէմ բաղդիս,  
Եւ այրիլ սիրոյդ ի հուր մինչև ցշունչն իմ յետին:

6. Հեռու եմ Աննա, ի բէն և զըստերէս նորածին,  
Ոյր չտեսի զխանձարուրն և ոչ զհամբոյրն առաջին  
Քաղեցի յայտիցն բընբոյշ, նշան սիրոյ կաթոզին,  
Ա՛հ, իմ և քոյդ այս էր, Աննա, բաղձանբըն սուրբ և յետին:

ՆՇԱՆ Ա. ԾԻՐՎԱՆԵԱՆ

22 յուլիս, 1875. Փարիզ.

Ժ Ա Մ Ա Յ Ո Յ Յ

1. Մէն մի հարուածդ առ բեզ զաչս իմ ձգեն, ժամ,  
Թէ մի՞ լիցի կենացս յետին է այս ժամ.  
Դու երջանկին միշտ ի յուրախ հընչես ժամ  
Սպերջանկին տըխուր երգես յարածամ:
2. Կեանքն է ժամ, ժամն է կեանք  
Երկուքըն ևս յողողողուն,  
Երբեմն տըխուր երբեմն ուրախ,  
Յանկարծ նընչեն մահուն քուն:
3. Ահն հընչեսց նորէն մի ժամ,  
Մեր սին կենաց ձայնատուն,  
Թ՛ահն թըռեաւ մաս մ՛կս կենաց  
Եւ օրն եղև իրիկուն:

4. Սրեւելից մինչ յարեմուտս ընդ ամէն,  
Երկոտասան դու արեգին հաշուես քայլ,  
Իսկ մնացեալ երկոտասան զիշերին,  
Տըխուր ծածկես զՏիեզերս ընդ մըռայլ:

5. Դառնայ արեգն և քոյդ հընչեն մի նոյն ժամ  
Եւ բնութիւն ի նոյն կանխէ յարածամ,  
Բայց մահացուն չիք դարձ և ոչ լսի ձայն  
Է՛հ, վնհ, յաւիտենից լուր դու զնորայն արձագանգ:

ՆՇԱՆ Ա. ԾԻՐՎԱՆԵԱՆ

16 օգոստոս, 1875. Փարիզ.

Ի Ծ Ա Ղ Ի Կ Ն Մ Ա Ր Գ Ա Ր Ի Տ

ՉՈՐ ՏԵՍԻ Ի Վ Ա Ճ Ա Ռ Ա Ն Ո Յ Ի Ծ Ա Ղ Կ Ա Ն Յ

Ո՞հ, զբեզ կ'ճանչնամ ես թէ մէջ բիւր ծաղկանց թագչիս,  
Ո՞հ, զբեզ կը սիրեմ ես թէ վարդ գափուուն ալ նախանձի:

Վարդն պիւլպիւլին է հայրենիք տեսքովն սիրուն հոտովն անոյշ,  
Իսկ ես քոյդ եմ սիրահար սիրոյդ կրակովն հալուած մաշուած,  
Ըսէ ինձ իմ սիրունիկս, և մի ծածկեր յինէն զգաղտնիսդ,  
Ես Հայաստան տեսայ զբեզ խիստ զեղեցիկ կայտառ գունեղ  
Ի մէջ ծաղկանց իբր թագուհի կայտըռէիր դու նագելով,  
Ո՞ր ձեռն անգուծ զբեզ այսր խլեալ տընկեց ի վաճառում:

«Գերի եմ ի ձեռս մարդկանց և տարագիր հովտացս սիրուն,  
«ԶիսՏէրն ի զարդ հովտաց ստեղծ և ետ բնութեան պարզև չըքնաղ  
«Իսկ մարդիկ՝ ձեռամբ հուպ ինձ մատեան կորզել ի բնիկ հողոյս  
«Ա՛հ, այժմ աստէն կորուսի ըզտփորոյթ բնիկ բնութեանս  
«Ա. ոտն ճըմէն փափուկ թերթերս որ զաղար էր թռչնոց թեթև  
«Եւ ջանասէր մեղուացըն պարբ յինէն զհիւժ գային տանել:

Ո՞հ, դուն ալ, տունկդ դժբաղդ, դուն ալ ինձ պէս արտահալած  
Քու բնիկ հայրենիքէդ՝ օտար հողոյն վրայ հանգչիս,  
Զուրկ յուղիսից սառնանման և յաղբերաց չինչ վտակաց

Որք սահեալ անցանէին զպատուք սրտիս զովացուցեալ,  
ի մարմանդս դալարագեղ սողոսկելով անցանէին :

Իսկ արդ ո՛հ, մարդոյն մնաս ըստ կամաց իւր ջամբել բեզ զայն  
Եւ այն իսկ եթէ լինէր ի վտակացն այն զըզըղուն,  
Չոր բնութիւն անխտիր շրուայէ առատ պատեալ սրտից,  
Իսկ դու աստ բաւանաս ջուրքըն ցընցաւ կապարակազմ,  
Որ ո՛չ թէ կեանս պարզեէ, այլ մահ սրբութ թերթիցդ վերայ :

Այն, դուն ալ ինձ պէս զըծբաղդ,  
Գերի ինկար յերկիր օտար,  
Ծընգած, ցամբած տերեւածափ  
Չունիս անկմանդ նեցուկ սատար :

18 օգոստոս, 1873. Փարիզ. ՆՇԱՆ Ա. ՇԻՐՎԱՆԵԱՆ

Ի ԼԵԶՈՒՆ ՇԱՏԱԽՅԻՈՅՆ  
Վ Ա Ն Ա Յ

1. Սիրեմ Ձեր լեզուն բարբառ Մայրենի  
Արմատ իսկական հայկական լեզուի,  
Որ պահէք մինչ ցարդ ի Ձեր հազագի  
զման և զկարգն բանից յիւրումն ի տեղի :

2. Թող բանասէրներ Ձեր մէջն փընտըռեն  
Անոյշ ասացուածք և ընտիր ձևեր,  
Թող բանաստեղծներ Ձեզմէ ուսանին  
Սիրոյ զողտը երգեր ինչպէս յօրինել :

3. Ահն օրինակ տամ ընծերցողին  
Սոյն այս բանի տող պարզ Շատախցիին,  
Որ սիրով ուղղէ առ իւր սիրուհին  
Երթալ զինքն տեսնել Սուրբ Վարդավառին :

« Եար հայ նա ծէծիկ մէծիկ աստղեր  
« Եար հայ զըմէն անեմ ծի կոճակ,

« Եար հայ պախեմ չում վարտէվէրին  
« Եար հայ տանեմ եարոջս տիարին (1):

Ե Լ Թ Է

« Ո՞վն ա տեսեր մէկ ծովն երկու թէավիւր (2)  
« Ըսպիտակն է առեր սև ջուրն ի մէջ իւր,  
« Կը զարնէր քամին ջըրեր չըր խառուե հիրիւր (3)  
« Աստուած կը սիրէք մըք էլնե խօրօտ կընկեան բեավիւր (4)  
« Ա՛խ խօրօտ կին մարդոյն բերէ զտունն ի փիւլ :

4. Տէս, ո՛վ բանաստեղծ և դու բանասէր  
Տէս Շատախցիին այս սիրուն տողեր,  
Կարդն զմայլմամբ Հայու հոգիով  
զՏողսն Շատախցւոյն որ լի է ոգւով :

5. Խեղճ է Հայաստան Հայուն հայրենիք  
Հայուն պէտք է ողբ, այլ չև է հերիք,  
Թէ և ցարդ պահի լեզուն լ՛ազգութիւն,  
Բայց չէ նոցա մէջ սէրն և միութիւն :

ՆՇԱՆ Ա. ՇԻՐՎԱՆԵԱՆ  
50 օգոստոս, 1873. Փարիզ.

Ք Ն Ա Ր Պ Ա Ն Դ Խ Տ Ի Ն

1. Բնարը լըուեր է, թելերն բեկբեկած  
Վըշտերն երգելու պանդըխտին թըշուառ,  
Չայն, խուլ արձագանգ տայ սրգով պատած  
Սըրտին սևածոյր ի բոց հըրավառ :

(1) Տիարի. ընծայ, նուէր :  
(2) Թավիւր. գոյն, տեսակ :  
(3) Հիրիւր. իրարու :  
(4) Գեավիւր, կընքահայր :

2. Ո՛հ, չէր իմ Քնարն այսքան լուռ և մունչ  
Որ կենդանութիւն տայր դիողն անշունչ,  
Մէն մի իւր թելերն թըրթըռար թեթև  
Պանդըխտին երգել զվշտացն մըրմունչ :

3. Քընարդ իմ փըշրած, հաւասար սըրտիս, ՚  
Տուր ինձ պատասխան եթէ սիրես զիս,  
Երգէ նուազ մ'ևս թելերովդ տըխրած  
Թըշուառ պանդըխտին կեանքըն մաշած :

4. Դու ես պանդըխտին, Քնար, միակ յոյս,  
Դու միայն ազդես ձայնդ ի մէջ հոգւոյս,  
Թէ մի թելդ կըտորի կապուած սըրտիս հետ,  
Բըրթի սիրտս ամէն և զայ քո ըզհետ :

5. Լըռեր է Քընարն պանդըխտին տըխուր  
Զըտար պատասխան վըշտացըն բիւր,  
Երկի՛նք, դու ի Քընարս զեղ ձայն քաղցր և շունչ  
Ի շունչն այն հանից առ Քեզ զիմ մըրմունչ :

ՆՇԱՆ Ա. ՇԻՐՎԱՆԵԱՆ

1 սեպտեմբեր, 1873. Փարիզ.



ԽՈԿՄՈՒՆԻՔ

ՀԱՅՐԵՆԱՍԻՐԻ

1. Զինչ ծով ծըփանուտ է սիրտն ու հոգին  
Վշտով պաշարուած հայրենասիրին,  
Խոկայ ի միտսն իւր տեսնել զայն ամէն  
Ինչ որ հայրենեաց փառք ու պարծանք են :

2. Ոչ տունն իւր է տուն և ոչ կինն է կին,  
Ոչ փառք ու հանգիստ խընդրէ իւր անձին,  
Դիշերներ անքուն, ցերեկն է անտուն,  
Մորմոքի այսպէս հայրենեաց սիրուն :

3. Երբ տեսնէ փառքերն օտարին փայլուն  
Իսկ իւր հայրենեացն շիջեալ ու խաւար,  
Լինի անհանգիստ յանձն իւր օրն ի բուն,  
Հայրենեաց կարդայ աւնդ անդադար :

4. Հայրենասիրին քաղցր է բնութիւնն,  
Սըրտին է անկեղծ, մտօքն է արթուն,  
Զ'կամի ընկերին խէթ խարդախութիւն  
Եւ ոչ հայրենեաց վատ ըստրկութիւն :

5. Մեռնիլն իւր պարծանք՝ մահն միայն իւր փառք  
Միայն թէ տեսնէ լեցուած իւր փափագ.  
Սյսինքն տեսանել հայրենիք պայծառ  
Հասած ճըշմարիտ փառացն ի կատար :

ՆՇԱՆ Ա. ՇԻՐՎԱՆԵԱՆ

10 սեպտեմբեր, 1873. Փարիզ.



Ի ՇԻՐԻՄՆ

ՆԵՐՍԻՍԻ ՀԻՆԳԵՐՈՐԴԻ ԱՇՏԱՐԱԿԵՑԻՈՑ

ԱԶԳԱՍԷՐ ՍՐԲԱԶՆԱԳՈՅՆ ԿԱԹՈՒՂԻԿՈՍԻ

ՍՄԵՆԱՅՆ ՀԱՅՈՑ

Վախճանեալ ի 15 Փետրվար, 1857 ամի Փրկչին.

14 ամ յեալ Կարուղիկոս.

Վէ՛մ ցուրտ, կոփեալ քարանց ի ձեռն ցուրտ  
Որ զանհունա՛րն մեծի առն ամփոփես ի ծոցդ տըխուր,  
Ընկալ զիմ արտասուս իբըր նուէր որդիական  
Առ Հայրըն Հայրենեաց և պաշտպան հայկազարմից :

Սուզ ի Մասիս, սուզ ի յեփրատ, սուզ յԱյրարատ,  
Եւ սուզ ի սիրտ համայն Հայոց հարազատաց,  
Զի մերկացան ի փառացն հօրն Հայաստանեայց  
Զի ընդ նմա յաջորդեցին որդիք յուրաստ :

Անէծք ձեռացըն տիրադրուժ և անպերխտ,  
Անէծք սըրտին որ ի ժամուն ոչ բարախեաց,  
Անէծք ոտիցն ընծանալեաց ւ'անպատկառոտ,  
Որ ժըպրհեաց կորզել զկեանսն հասարակաց :

Ի վեր կնլ ըզգլուխըդ վեհ, տես, ո՞ն բազմի յաժողըդ սուրբ  
Աժող զոր այնչափանչափ ճրգամբ փառազարդեաց ձեռնբոարի  
Այժմ ո՞ն, կայ խըրթնացեալ ի բարեզարդ նախկին շըբոյն  
Զի նախանձու վըրիժապարտ ձեռն ի նմա հպաւ անգուժ :

Ո՞հ, սրպիսի խեռ թըշնամին իշխեաց փըշըել բազուկսըն այն  
Որ միովըն սուր բարձեալ ընդ ոտիսին գայր ի վըսեր,  
Եւ միւսովն մահ ի ձեռին զանդսն հայրենեացըն մըշակէր,  
Իսկ մըտացըն լըծակաւ զաշխարհ համայն ի մի կըշտէր :

Շընորհք աստ ապաշընորհնց, որ այս չափս ևս ոչ զըլացան  
Տալ անմահ անուան նորին զարժանաւոր մակղիրըն այն,  
« Պաշտպան Հայրենեաց », և հայր զըթոտ հասարակաց,  
Զի 'նքեանք սպանին զայն՝ պարտէր նոցա զնոյն զարդարել :

ՆՇԱՆ Ա. ՇԻՐՎԱՆԵԱՆ

21 մայիս, 1872. յէջմիածին.

Ի Մ ԿԵՆՍՍԱԳՐՈՒԹԻԻՆՍ

ԵՒ ԲԱՆՏԵՐՍ

Նշան Աւետիս ցեղէն Շիրվանեան  
Ուստըր Աղմամու Ղարասէֆէրեան,  
Հազար ուժհարիւր քառսուն թուական  
Մերոյս սուրբ Փըրկչին ծընայ ես ի Վան :  
Յետ երեք ամաց ծընողքն իմ մեռան  
Թողին զիս խեղճ, որբ ի խընամա Աստուածեան :

Մինչև ի հասակն իմոյ տաննամեան  
Սընայ ես ի զիրկն Հանուոյս ժըրաջան,

Մեռաւ և Հանիս ի յայս թուական,  
Մնացի անպաշտպան մինչ հնգետասան :  
Ի հընգետասան ամեայ հասակիս  
Գաղթեցայ շըբեղ յաշխարհն Բիւզանդեան,  
Անդ գրէթէ ուժն ամ աշխատեալ ուսման  
Գանձեցի ի միտս լեզուս զանազան,  
Հայ, Պարսիկ և Թուրք, Արապ և Անգլեան :

Հազար ուժ հարիւր վաժսուն և ըննին  
Յեւրոպ, Ասիա ւ'Ամերիք ինքնլ ճ,  
Շըրջեցայ շահել արհեստ շահեկան,  
Բայց ի զուր ամէնն զի չ'գոյր նիւծական  
Յուսահատելով դարձայ ես ի Վան :

Անդ ամուսնացայ ընդ օրիորդին  
Աննա նազելոյ դուստր Գանտոեան,  
Յետ չորեքտասան ամսոցըն լըրման  
Տէր ետ դըստրիկ մի յանուն Գայիեան  
Տէր, դու պահեան զայն անխորճ ւ'անսասան :

Երբ աջօքս տեսայ զաւերսն Հայրենեացս  
Յաւերսն այն սիրտ իմ վեր ի վայր թընդաց,  
Եւ յորժամ լուայ թէ իմ բարեկամ  
Ի հեռուստ յիշեաց զուխտն իւր սրբազան,  
Թողի զամուսինս և զիմ գերդաստան  
Կրկին Բիւզանդեան կալայ զպողոտայն :

Երթալ ի Փարիզ առ իմս բարեկամ  
Որ հեռագրած էր առ Վեհ Սրբազան (\*),  
Առ ինքն առաքել զՆշան Շիրվանեան  
Ըզձախսն ուղղուոյն առաքեալ համայն :

Ոստանիկ Մարգար թոռն տէր Մարգարեան  
Ուստըր Սանդըխտոյ, որդի Մեսրոպայ,  
Հազար ուժ հարիւր քառսուն և վեցին  
Մերոյս սուրբ Փըրկչին ծընաւ նա ի Վան :

(\*) Խրիմեան Հայրիկ :



3058

Հազար ութ հարիւր վաժսուն երեքին  
Ոստանիկ Վանէն Պօլիս ղըրկեցին,  
Ուր երկու տարի ընդ պաշտպանութեամբ  
Վանեցոց, ուսաւ լեզուն հայկական :

Հազար ութ հարիւր վաժսուն և հընգին  
Շնորհիւ Խրիմեան Հօր և Քեամիպեանին,  
Վանեցիք ճամբու ծախքըն շընորհեցին  
Ոստանիկ Փարիզ քաղաք ղըրկեցին :

Այն տեղ Մուրատեան մտաւ վարժարան  
Ուր աշխատեցաւ երկու ամ ուսման,  
Յետ երկուց ամաց չ'տոկալով գեղձման  
Ապաւինեցաւ ցՀիւնքեար—Պէյէնտեան :

Սոյն այս միջոցիս Մեծն Աղաթոնեան  
Գրիգոր էֆէնտի Հայագուն իշխան,  
Ընդ միջնորդութեամբ Հիւնքեար—Պէյէնտեան  
Յանձնեաց զՈստանիկ ցՄեծ Նուպարեան :

Շնորհիւ Վեհագուն Մեծի Նուպարեան  
Մարգար Ռօլէնեան եմուտ վարժարան,  
Ուր շարունակեալ ութն ամիս միայն  
Անտի Կրիսեօսի մուտ Համալսարան :

Մինչ եօթանասուն անդ շարունակեց  
Ուր ուսման ընծացքն քաջիկ աւարտեց,  
Բայց երբ Գաղղիոյ բըրձաւ պատերազմ  
Ամէն բան ցըրուեց ի հեռուն տարաւ :

Մեկնեցաւ անտի զընալ ի Լօնտօն՝  
Ընդ Հայր Սարգըսի Թէոդոր ըզգօն,  
Ըսպասել ելիցն այն պատերազմին  
Որ աղէտ բերաւ գեղեցիկ երկրին :

Երբ խաղաղութիւն մըտաւ Գաղղիայ  
Մարգար ընդ նըմին մուտ գործեց ի նա,

Ո՞ւր պէտք էր երթալ կամ ուր տեղ օժել,  
Բայց ի յանուանին շըբեղ Կրանտ—Օժէլ :

Այս տեղ կըսկսի Ոստանիկն փայլիլ  
Իբրև Հայ իշխան մ' Կրանտ—Օժէլ բազմիլ,  
Իւր հարըստութեան չ'գիտէր ոք աղբիւրն  
Բաց իրմէ և իւր գրութիւնքըն բիւր :

Ոստանիկ չունէր գէշ մի նըպատակ  
Եւ ոչ մըսխաձներն էր արդար վաստակ,  
Բայց միայն ունէր երկու նըպատակ  
Որով տի հասնէր իւր փառացն ի ծագ :

ԱՂՋԻԿՆ ԵՒ ՊԱՇՏՕՆ. ԱՅՍ ԷՐ ԻՒՐ ՓԱՓԱԳՆ

Հազար ութ հարիւր եօթանասներկու  
Ի յերկոտասան նոյեմբեր ամսոյ,  
Մտայ ի Փարիզ ի տուն Մարգարեան,  
Օ՛հ, ինչ փառք և ինչ շըբեղ պերճութիւն  
Ընդ չորս կողմ փայլէր հո՞ծ հարըստութիւն,  
Ծառայք, աղախնեայք, կառաւարքն ամէն  
Ձերկինըս թողեալ զերկիր պագանեն,  
Մեծամեծ որեարք բարձր աւագանիք  
Գիշեր և ցերեկ մուտս և ելս առնեն,  
Յորժամ զուգածի ի կառս ելանէր  
Տեսնող մատնանիշ զնա երանէր :

Բայց լոյս խարդախին մինչ ցրկէս զիշեր  
Հազիւ փալիբլի և այն մուծ ի ստուեր :

Եհաս ժամանակ մեկնեցաւ յանկարծ  
Իւր հետ տանելով ըզգաղտնիսն անծափանձ,  
Փոխան իւր եթող զՆշան Շիրվանեան  
Անգում զագանաց և զայլոց բերան :

Յետ երկուց ամսոց պատառեցաւ քօղն,  
Բըրձեցաւ պատիր հարստութեան օղն,

Խարողն յերևան ելաւ. նոյն ինքն գող  
Ձգեց խեղճ Նշան փորձանացն ի բով,  
Ձի կասկածեցան թէ էր նա իւր քովն  
Անշուշտ զիտէ թէ ո՛վ է զայն ուտողն :

Յորժամ նա կրկին դարձաւ ի Փարիզ,  
Կամեցաւ ծածկել զիւր ամէն չարիսն,  
Բայց որո՞վ, ինչպէս և ինչ կերպերով,  
Ձը զիտէր ոչ ոք, բայց մէկը կար իր քով . . . . : (1)

Հագար ուժ հարիւր եօթանասն երեք  
Տասն նոյեմբերի ամսեան ընդ ցերեկ,  
Եկաւ ոստիկան իւր մարդիկներովն  
Բըռնեց Ոստանիկն տարաւ իրեն քով,  
Շատ փընտռեցին գտան և ոչ ինչ  
Ոչ ակունք, ոչ քար և ոչ ծանրը ինչ,  
Այլ թուղթ և ցուցակք հաշւոց անպիտան  
Եւ վեց հարիւր ալ ֆռանք գալլիբան :

Միայն ասոնք էր որ իր քով գրտան,  
Ձի այն ակունքներն ու մարգարիտներն  
Որ բոլոր աշխարհի կըսէր թէ ունէր,  
Ամէնքն ալ վատնած ցիր ու ցան ըրած  
Մերկ ու զլուխ բաց Փարիզ մտած էր :

Ոստանիկն ի բանտ, ի մահ և կապան  
Տէր, դու ազատէ, թէ ունիս հրաման :

Յետ քսան և ինն աւուրցըն լըրման  
Կարան զիս ի դուռն բարձր արդարութեան,  
Եհարց դատաւորն թէ «արդեօք իրան,  
Քաղտնի մի նամակ առ Մարգարն տարանր» .  
Ո՛հ, ասացի ոչ, (թէպէտ և իրաւ ,)  
Որով հաստատեց յանցանքս, անիրան .

(1) Բըռատիլէ Ֆօտէրէ անուն անձը Խմբագիր ժուռնալ տը Ֆռանս լրագրոյ և միջնորդ հարսանեաց Ոստանիկի :

Այսու կարծելով թէ գիտեմ շատ բան  
Պէտք է չարչարել, մինչև խոստանամ :

Ա. Բ Ա Ն Տ Ս

Իսկոյն բարկութեամբ լեցուած անպիտան  
Չեոքս շըղթայելու տուաւ խիստ հրաման,  
Տանել դնել զիս ի բանտն Բեռամանս  
Մինչև որ յայտնեմ թէ գիտեմ մի բան :

Ինչ որ ունէի վրայէս առին  
Ժամացոյցս տասն ալ ֆռանք Թողուցին,  
Տըւին կէս չոր հաց այն ալ մըզրտած  
Որչափ ջանացի բերնէս վար չընաց :

Ա. ԿՈՉՈՒՄՍ Ի ՀԱՐՅԱՔՆՆՈՒԹԻՒՆ

Այս տեղ մէկ զիշեր մընացի միայն,  
Հետևեալ օրը գրեցի մի նամակ,  
Առ դատաւորն թէ չունիմ ես յանցանք .  
Ի պատասխանի իմ այս գրութեան  
Առաքեցին զիս ի բանտն Առողջութեան (1) :

Մեր դատաւորին անունը ժիւլ ժօտէն  
Կարծես Կերբերեայ ծընած էր ծոցէն,  
Ամէն մէկ խօսքերն որ կը թռչէր բերնէն  
Մէյ մէկ կիզիչ կայծ էր ինչ երկածէն :

Բ. Բ Ա Ն Տ

Իմ բանտս սոսկալի ի ցուրտ ձըմերան  
Ուր ոչ հուր և ոչ ծածկոց մերկութեան,  
Անդ ոչ գուժ սըրտի և խիղճ մարդկութեան,  
Ոչ լոյս արեգին, ոչ աստղը փայլըլան :  
Դրունք ու վանդակք, փականքն ընդ ամէն  
Կարծես Հեփեստեայ հընոց ձուլուած էր,

(1) Maison correctionnelle de la Santé 42 Rue de la Santé.

Գիշեր ու ցորեկ ողբով ու դողով  
Անցանէր օրերս դառն կրակիծներով :

Մաղթէի առ Տէր ջերմ աղաչանքով  
Դատաւորիս սիրտն լընուլ իւր գրծով :  
Գուժ և խիղճ, հաւատք հանած իւր սըրտէն  
Կը դատէր անողորմ ի նըպաստ իրեն,  
Թափած արցունքներս չկակղեցին իւր սիրտ  
Տեսնել անմեղիս դատաստանըն ճիշդ :

Թէպէտ ունէի յանցանք մի յայտնի  
Եւ այս յանցանքն էր խիստ իրաւացի,  
Գաղտնի մի նամակ ղրկեց ինձ Մարգար  
Թէ « Փութով հասցուր առ իմ սիրահար <sup>(1)</sup>  
« Թէ չըկայ այլ յոյս ինքզինքս փրկելու  
« Եւ ոչ մի միջոց բանտէս ելլելու  
« Բայց եթէ նամակս զոր կը ղրկեմ քեզ  
« Պէտք է իւր տէրոջ շուտով հասցընես »:

Սոյն այս նամակներն ամէն միատեղ  
Շուտով բաժնելով ըրի տէր ա տէր,  
Բայց աղջկան նամակը հասաւ իւր եղբօր  
Յուսալով թէ նա կը հասցընէ փութով :

Բայց այս անպիտան մեզի հակառակ  
Մեր դատաւորին կը յայտնէ մեր նամակն,  
Թէ՛ « ահա այս ինչը յանձնեց ինձ այս զիրը  
« Անկէ հասկցէք թէ ո՞վ է տուեր »:

Այս գրութիւններու պատասխանն ամէն  
Եւ ընդ գրութեանց որք Տէր Գալուստէն, <sup>(2)</sup>

(1) Անուն սիրուհոյն Ոստանիկի էր Աննա-Մարիա տը Թօմասսա ազնուական ընտանիքէ . ծնողքը մեռած, ունի մէկ եղբայր և երկու ալ հօր եղբայր, որոց հարստութիւնը 20 միլեօն ֆրանքի կը հասնի :

(2) Տէր Գալուստ Երուանդեան Վանեցի, քահանայութեան պաշտօնով Ռօմա-նիոյ Ֆարշան քաղաք ղրկուած, ուսկից Ոստանիկ հրաւիրած էր զանի ի Պառիսէլ, անդ պսակի խորհուրդ կատարելու համար :

Ըրի մի ծրրար դըրի ի զըրպանս  
Տարայ յանձնեցի գաղտնի ի Մազաս :

Սոյն գաղտնի ծրարը այն տեղը կը բռնուի  
Առ մեր դատաւորն փութով կը ղրկուի,  
Ըսելով թէ « չար ծառայն Մարգարի  
Չը գիտեսք թէ հրպէս անցուց ի բանտի »:

Ոստանիկ Մազաս, Ես յառողջութեան  
Նրկուքնուս ալ Տէր, դու կանգնէ պաշտպան :

Յայս բանտն իմ երկրորդ յերեկոյ մթան  
Հասանք սև կառքով առջև իւր դրան,  
Հանեցին մեզ դուրս մտանք դուռն ի ներքս  
Ահռելի ծառայք պատեցին չորս դէնս :  
Նախ յոտից ցզլուխս զիս մերկացուցին  
Նոյնպէս և միւս ընկերքս միասին,  
Չափեցին հասակս թուեցին տարիքս  
Հարցուցին անունս և իմ ծընողիս :

Յետոյ մեզ տարին դըրին ի տաք չուր  
Հագցուցին զմեզ մի զգեստ անմաքուր,  
Որ էր խիստ թեթև չտոկայր դէմ ցըրտոյն  
Եւ ոչ ծածկելու ունէր մի տըրտուն :

Այս տեղէն հանին զմեզ մի սենեակ  
Ուր ոչ փռուածք կար և ոչ ալ կըրակ,  
Մինչև առաւօտ ատամունքս ամէն  
Դողէս փըշըրուած բերանս լըցուեր են :

Օրուան պարէննիս էր մէկ քիլօ հաց  
Այնչափ օծէկ է որ կըտրել չ'կրնաս,  
Առաւօտ ապուր մը այն հազիւ կէս թաս  
Թէ ուզես չուզես պիտի կըշտանաս :

Հինգշաբթի օրեր մէյ մնալ կիրակի  
Հազիւ կառնէինք հոտ արգանակի,



Սոյն իրիկուններ մէյ մէկ կտոր միս,  
Չուտուիր, բայց պէտք է ուտել որ ապրիս :

Մընացած օրեր կաղամբով տաք չուր  
Ըստեպղին, շողգամ և կանանչ լախուր,  
Երեկոյ բրինձ, լուբիայ, բաժաղէս  
Անիւղ և անջուր կեր թէ կարող ես :

Թէպէտ ամէն բան կը գտնաս այստեղ  
Բայց վնյ քեզ, թէոր դրամէ ես նեղ,  
Զի պահապաններն անդրամներուն  
Ամենասատիկ կուտան նեղութիւն :

Իւրաքանչիւր օր հագիւ թէ մի ժամ  
Կը հանէին դուրս իբրև զբօսանք,  
Այս զբօսանքն ալ էր մի կերպ տանջանք  
Որ մեզ կուտային խոժոռ պահապանք :

Ոչ կրնաս շուրջըդ նայիլ որոնել  
Եւ ոչ ընկերիդ հետ կրնաս խօսիլ,  
Եթէ ուզես ալ խօսիլ կամ տեսնել  
Ամուր պարիսպներ կանգնած են արգել :

Շապիկնիս կ'փոխուէր ութ օր միանգամ  
Որ կը նմանէր մեռելի պատան,  
Այնչնափ մեծ, խոշոր, զոր պարտկելու  
Մեծ ու լայն շալվար մը հարկ էր զըտնալու :

Եթէ հարցանէք ինչ կարասիք կար  
Այդ սենեակին մէջ ուր տեղ որ մտար,  
Կար մի երկամեայ անկողին թեթև  
Որ գամած էին սառ պատի ներքև,  
Մի սեղան և մի կլոր նըստարան  
Շըշմայով կապուած զինչ գող մարդասպան,  
Ոչ տեղէն կը շարժի ոչ կրնաս շարժել  
Եթէ շարժես ալ բանիկ մի չարժեր :  
Մի ջուրի աման մի կերակուրի

Այնչափ ժանգոտ են մարդ չուգեր նայի ,  
Հարկաւորն խիստ մօտդ, գրեթէ ոտքիդ տակ  
Որ մարդոյս բըթին կուտար խիստ սարսափ,  
Զըկայ մի դարան և ոչ մի տօլապ  
Ուր պահել ուզես բան մի մաքրունակ :

Ո՛հ, այս ամենայն հասին իմ վերայ  
Աղէտք տառապանք և վիշտք անխնայ,  
Ոչ մէկ սիրտ զըծաց ոչ խիղճ մ'արժընցաւ  
Գըտնել անմեղիս ցաւերու մի ճար :

Իմ ազգայիններս ամէն ձեռնըմափ  
Կուգեն զմեզ տեսնել դըժոխօցն յատակ  
Երկիւր. անմեղիս հանէ տեսնել դատ  
Եւ փութան փրկել ի յայս փորձանաց :

Բ. ԿՈԶՈՒՄՍ Ի ՀԱՐՑԱՔՆՆՈՒԹԻՒՆ

Ի յինն և տասան ամսոյ դեկտեմբեր  
Յանկարծ ի սենեակս հասաւ մի բանբեր,  
Թէ՛ « արի՛ կոչէ զքեզ դատաւորն  
« Տալ պատասխանի յանցանացդ բոլոր »,  
Իջայ շուարեալ մտի ի սև կտօքն  
Արկեալ զմաղմանս Անմահին առաջ,  
Իջաք ի պալատն բարձր արդարութեան  
Ուր մուծին խուց մի սաստիկ ջերմութեան :  
Եհաս ժամանակ կոչեցին զմեզ  
Իմ դատաւորիս ելանել յերես :

Հարցին ցիս « պատմեն թէ՛ սրպէս, զիւնրդ  
Զքեզ Ոստանիկ յերկրէդ կոչեաց աստ. »  
Պատմեցի զամեն միչև ցրկէտն այն  
Ուր խեղճ Ոստանիկն արկին ի զընտան,  
Եւ ապա ետուն թոյլ դատնալ անդրէն  
Ի բանտն իմ ուսկից ելեր եկեր եմ :

Հետեւեալ զիշերն տեսայ մի երազ  
Խիստ սարսափելի սի՛հ, մի թէ իրան,

Իբր թէ նամակ մի առ ամուսինս  
Գրած՝ ըսեր եմ քանի մը շաբաթէն  
Պիտի ըստանաս ըզլերջին Թուղթն իմ : (1)

Ընդ այս թէպէտ սիրտս եղաւ վեր ի վայր  
Բայց ձեռքէս չէր գար ընելու մի ճար,  
Ինքզինքս յանձնեցի առ Տէրն իմ արդար  
Խնդրելով հանել ի բանտէս խաւար :

Գ. ԿՈՉՈՒՄՆ Ի ՀԱՐՅԱՔՆՆՈՒԹԻՒՆ

Հազար ութ հարիւր եօթանասներեք  
Երեսուն և մէկ դեկտեմբերի վերջ,  
Առաւօտեան ժամ ինըն և կէսին  
Եկաւ պահապանս ի դուռն իմ բանտին,  
Ասաց « արի՛ եկ փութացիր, ճեպով  
« Սև կառքն սպասէ քեզ ջուղտակ ձիով,  
« Երթ առ դատաւորն տալու պատասխան  
« Երթ և մի դառնալ կրկին յայս զընտան :

Ծընկուրներս ի դող սիրտս լի տխրութեամբ  
Իջայ ըշտապաւ մըտի ի կառքն այն,  
Կառավարն խիստ, զօրքերն զրահաւոր,  
Պատեր են չորս կողմս զինչ մարդասպան ոմն,

Կառքին մէջ միայն ինձ համար տեղ կար  
Եւ այն ոչ ունի լոյս միայն խաւար,  
Եւ մի երկամեայ վանդակ հագիւ հագ  
Փոքր ինչ շունչ տալու հով միայն խաղար :

Հասանք ի պալատն բարձր արդարութեան  
Նորէն զիս դրրին ի խաւար զընտան,  
Երեք ժամ ամբողջ խաշուեցաւ մարմինս  
Քիչ էր մնացեր որ ելլար հոգիս :

Երեք ժամէն վերջ ելայ ես յատեան  
Ուր էր դատաւորն և ընկերն դաժան,  
Ըրին շատ հարցմունք, տուի պատասխան  
Չըկրցին գտնալ յիս ոչ մի սուտ բան :

Բայց այն կասկածն որ կայր իւր սըրտին մէջ  
Չ'ներեց տակաւին տալ ցաւոցս մի վերջ,  
Ուստի զիս նորէն ձեռքերս շրղթայած,  
Ղըրկեցին ի բանտս մուտ և տըխրամած :

Տէր, կամ առաջի քո բազկատարած  
Աղօթեմ չերմիկ սըրտով իմ տըխրած.  
Շարժէ Տէր, շարժէ քու գուռդ իմ վերաս,  
Եւ մի մատնէր զիս ի յայս չարչարանս,  
Մի թէ անմեղաց չես դու Հայր զըմած :

Դ. ԿՈՉՈՒՄՍ Ի ՀԱՐՅԱՔՆՆՈՒԹԻՒՆ

Հազար ութ հարիւր եօթանասն և չորս  
Վեց յունուարի օր յերեքշաբթուոջ,  
Եկաւ բանտապանս ասէ, թէ « կարճեմ  
Ըզքեզ այսօր յատեան տի ղըրկեն » :

Անգաւ դոյզն վայրկեան նա դարձաւ եկաւ  
« Ասաց փութացիր, էջ վայր ըշտապաւ »  
Նորէն այն տրխուր կառքովն ու զօրքով  
Ի դուռն պալատին հասանք մեր ճեպով :

Դարձեալ զմեզ ի խուցն այն ջերմ և խաւար  
Փակեցին մինչև արեգն մըտաւ մայր :  
Յանկարծ Ոստանիկ իմ դռնէս անցաւ  
Ծըռեցայ ծակէն երես նայեցայ,  
Ա՛խ մը բաշեցի անէձք ընդ նմին  
Ոստանիկ, ըսի ոստերդ կտարրտին,  
Բայց անամօծին երեսն երբ թըքնես,  
Փառք կուտայ Տեառն Թ'իբր ցօղ էր սրկեց :

(1) Սոյն նամակը գործոյս վերջը ընթերցիր :

Այն օրն ետ դարձանք առանց քննութեան  
 Ձի ատեն ուշ էր անկաք ի մըթան,  
 Նորէն մեզ զըրին ի սևուկ կառքն այն  
 Որով ձեռն ունայն դարձանք ի զընտան :

**Ե. ԿՈՉՈՒՄՍ Ի ՀԱՐՑԱՔՆՆՈՒԹԻՒՆ**

Հազար ութ հարիւր եօթանասն և չորս  
 Յունուարի ինն որ ուրբաթ էր օրն,  
 Ժամը ցերեկուան հազիւ մետասան  
 Եկաւ դուռն բանտիս բացաւ պահապան :

Ասաց « բեզ համար Թէ այսօր միայն  
 « Կառքն ի պալատն զընայ արդարութեան,  
 « Իջիր ըշտապաւ մըտիր ի սև կառքն  
 « Մի կտրեր սըրտէդ քու Աստուծոյդ փառքն » :

Իջայ վարանեալ մրտայ ի սև կառքն  
 Սրբաէս սրացաւ, Աստուած իմ բեզ փառք,  
 Փառքին ետեէն չ'գիտեմ Թէ ինչպէս  
 Բոցախառն ան մը սըլացաւ սըրբաէս :

Երբ ես պայատին զըռնէն մրտայ ներս  
 Պահապան զօրք մի բրոնեց իմ թևէս,  
 Մանդուղէն ի վեր զիս հանելուն պէս  
 Դըրաւ ի մուծ խուց փակեց դուռն վրայէս :

Ամբողջ չորս ժամ կէս մնացի ի խաւար  
 Դուրսը տեսնելու ծակ մը միայն կար,  
 Յանկարծ տեսայ որ անցաւ մարդ մի ձեր  
 Ուզեցի հարցընել Թէ արդեօք ո՞վ էր :

Ասաց կը վաճառեմ ուտելիք պարէն  
 Թարմ հաց և պանիր, կարմիր զինիէն,  
 Եթէ կը սիրես ան որչափ կուզես  
 Դըրամ չեմ ուզեր, վըճարողն կը տեսնես :

Այս խօսակցութիւն ըրած միջոցիս  
 Խիստ ծանօթ մի ձայն զըպաւ ականջիս,  
 Անունըս կուտայ, խիստ լաւ շեշտելով  
 Թէ « առ ինչ կուզես, ես եմ վըճարողն » :

Ոստանիկն էր այս որ ի մի նոյն կարգ  
 Իւր չարչարանաց բըռներ էր օձեակ,  
 Ղրկեց հաց, պանիր, զինի չօքօլաթ,  
 Չորս ախորժակով կերայ մինչ ցյազ :

Ուզեցի գրել նամակ մ'առ Մարգար  
 Ասելով Թ'ի գործոյ գիտես, եմ արդար,  
 Բայց զայն հասցընելն անդ էր խիստ զըժուար  
 Դըժուարն ցըցուց ինձ սորա ելքն ու ճար :

Նամակին մէջը գրեցի սա պէս  
 « Պարոն, չը գիտես որ անմեղ եմ ես,  
 Փառք, պատիւ, համբաւ և հանգստութիւն  
 Դու վայելեցիր, ինձ ինչ տրիտուր

Չանն ազատել զիս այս կապանքէն  
 Որուն մէջ ի զուր բերեր ձըգեր են,  
 Թըշուառ ընտանիքս ինձի կ'սպասեն  
 Որոց սիրոյն ես աստ հալ ու մաշ եմ » :

Ծալեցի նամակն կանչեցի ձերուկ  
 Աօր բիշ մը հաց հանեցի միջուկ,  
 Նամակն զըրի մէջ միջուկն ի վերայ  
 Չոր ձերուկն անմեղ առ Մարգար տարաւ :

Մարգար չէր գիտեր Թէ ի մէջ հացին  
 Նամակմ ներփակած իրեն խըրկեցի,  
 Բերանս զրան ծակէն ի դուրս հանեցի  
 « Հացին մէջ բան կ'այ », իրեն կանչեցի :

Ոստանիկ նամակս բացած կը կարգայ  
 Պատասխանն առ իս զըկել կը փութայ,

Որուն մէջ կրսէ թէ քանի մ'օրէն  
Ըզբեզ ի բանակդ դուրս պիտի հանեն :

Մոյն պատասխանը կապոյտ թուղթի մը մէջ  
Շօքալաթի հետ փաթտած ինձ ղըրկեց,  
Նըպարապահառ ձերուկն այն անմեղ  
Մեր մէջ կատարեալ եղաւ թըղթաբեր :

Տէր մի արասցէ եթէ բանտապան  
Տեսնէր իւր աչօք այս մեր ըրած բան  
Երեքնիս մէկէն անշուշտ նոյն ժամայն  
Դատապարտուէինք ի բանտ յաւիտեան :

Ժամ երեք կէսին պահապան բռնտին  
Եկաւ իջոյց զիս ի դուռն սըրահին,  
Այն տեղ զօրական ձեռքս անցոյց շըղթայն,  
Ելանք ի սենեակն հարցաքննութեան :

Շատ երկար չ'տուեց հարցաքննութիւն  
Զի հարցուցածներն դարձեալ էր մի նոյն,  
Բայց իւր սըրտին մէջ պահուած դառն թոյն  
Կուզէր որ թափէր իմ անմեղ զլիտյն :

Ո՛հ, այո՛, զորեց խիստ մի ծանրը բառ  
Որ բան զթոյն խիստ էր ըստոյց հոգիառ,  
Ասաց թէ հաղորդ (¹) ես դու այն չարեաց  
Զորս Տէր Մարգարեանցն ունի աստ գործած :

Երբ իմ ականջիս ղըպաւ այս խօսքը  
Ոտքէս մինչ ցլլուխս անկայ ես ի դող,  
Աչքերըս լըցուած դառն արտասուքով  
Օգնութիւն կուզեմ, բայց չըկայ հասնող :

Զը գիտեմ լեզուն խօսիլ բաւական  
Իմ անմեղութիւնս հանել յերսան,

Լալով խընդրեցի, ի սէր Աստուծոյ  
Թէ չեմ ես հաղորդ նորա չար գործոց :

Այսչափ այս անգամ արարին ինձ հարց  
Տըւին ցՈստիկանն ձեռքերս շըղթայած,  
Մըտուցին սենեակ սենեակէն ի կտորք,  
Կառքէն իջայ ես իմ բանտիս ի բակ :

ՆՈՐ ՏԱՐԻՆ ԲԱՆՏԻՍ ՄԷՉ

1 Յունվար 1874, օր երկուշաբթի .

Ինձի համար չէ նոր օր նոր տարին  
Մինչդեռ փակուած կամ ի բանտ խաւարին,  
Ինձի համար չէ արևն ու լուսին  
Մինչդեռ կարօտ եմ ճըրարի լոյսին :

Անցածն ալ նոր էր, ինձի ինչ բերաւ  
Զէ մի շատ փորձանք և զրխոյս միշտ ցաւ,  
Մարդիք միշտ նորին և նորա տեսին  
Խաբուած կը զլորին ի մէջ անդունդին :

Երէկուան կեանքն այսօր կը փնտոենք  
Վաղուան չ'գիտեմք թէ ինչ պիտի զըանեմք,  
Այսպէս խաբուելով անկայուն յուսով  
Կ'սահին մեր օրերն սուտ փուտ բաներով :

Ա՛հ, չորս կողմս սև է պատեր տըխրամած  
Երկինքն ալ ծածկեր իւր դէմքն յիմ աչաց,  
Զորս կողմս լըռութիւն երկամով փակուած  
Շըռընչիւն բանտիս կուտայ արձագանգ :

Զըկայ մի քաղցր դէմք որ առ իս ժըպտէ  
Զըկայ մի լեզու որ ընդիս խօսէ,  
Թէ՛ «ահն մասնք նոր օր նոր տարի  
Մաղթեմ քեզ համար շընորհաւոր լինի » :

(¹) Complice.

Ահ, եռեսուն և չորս մտայ հասակիս  
Արդեօք մըննց բան որ չնկաւ զըլխիս,  
Ծարաւ մի կըսես անօթիութիւն,  
Անտէր, անպաշտպան, դառն պանդըխտութիւն :

Արդեօք իմ Աննաս ու Գայիանէս  
Ի՞նչպէս կ'ստարեն նոր տարուան հանդէս,  
Անշուշտ նորա ալ ինձ պէս սրգաւոր  
Սե սուգով տօնեն մեր այս ամանոր :

Երկինք, ալ հերիք այսքան սաստ, պատիժ  
Գարձուր քու երեսդ ի մեղացս անծիւ,  
Եւ այս նոր տարւոյս հետ նոր օր, նոր կեանք  
Տուր, և արձակէ իմ բանտիս կապանք :

ՆՇԱՆ Ա. ԵՒՐՎԱՆԵԱՆ

Ա Ի Ե Տ Ի Ս Ք Ե Չ, Թ Շ Ո Ի Ա Ռ Բ Ա Ն Տ Ա Ր Կ Ե Ա Լ

### ԱԶԱՏՈՒԹԻՒՆ

1874. չորեքշաբթի. 9/21 յունուվար.

Մինչ միայնիկ ի մէջ բանտիս ըզգնայի յուսահատ  
Եկն բանտապանս եբաց ըզդուռն բանտին իմոյ տըխրամած,  
Ասաց արի եկ էջ ի վայր կոչէ ըզքեզ դպրապետն  
Թերևս ունի մի աւետիս ուրախարար տալու քեզ :

Ընդ այս բանն բանտապահին աւետաւոր և զուարթ  
Կարծես ի սիրտն իմ խըռովեալ նոր արեգակ մի ծագեաց,  
Իջայ ես վայր կէս մի ուրախ բայց սիրտըս յոյժ բաբախէր,  
Թէ աւետիսն զոր հտուն յիս մի թէ արդեօք իրան էր :

Մըտի սենեակն դպրապետին ուր էր զըպիրն և տեսուչ  
Ողջունեցի բեկեալ սըրտիւ գերկոսին ևս վայելուչ,  
Լուծեալ ձըրարըն նամակաց զըպիրն եցոյց ինձ մի թուղթ  
Թէ ահա վաղն քոյդ դատաւորն ունի զքեզ տալ ի թոյլ :

Երբ իմ ականջս ազատութեան հասաւ այս մեղմ և գողտր ձայն  
Անկայ իձունգ արտասուախառն աչքերս յերկինս բարձրացան,  
Միով ձեռամբս դըպրապետին և միւսովըն Տեսչին  
Կալայ զձեռացն համբուրելով զգուեալ զինչ վարդ ի կուրծն իմ :

Օտարական, ել դու թշուառ բանտարկեալ  
Ել ի բանտէդ, չունիս յանցանք և ոչ դաւ,  
Զորեակ տասնեայ լ'երեք աւուր քո ցաւերն  
Բըժըշկուեցան այսօր զ'էիր դու անմեղ :

Ել, արցունքներդ ու ջերմ մաղթանքդ առ Աստուած  
Հասին փութով, ազատութեանդ եկաւ ձայն,  
Ել այլ մի ևս յենուր յեղէզն ջախջախուտ  
Որ չը բերես անծիւ ցաւեր խեղճ զըլխուդ :

Ե՛լ, ալ ամուր կաց ի հաւատս քո և կըրօն  
Առանց որոյ չը փըրկի մարդ թե՛ ըզգօն,  
Միրեաց զքեզ Տէր վասըն այն ի փորձանս  
Արկ, զի մի ևս մեղանչեսցես ի քո կեանս :

ՆՇԱՆ Ա. ԵՒՐՎԱՆԵԱՆ

9/21 դեկտ. 1873, ԳԵ.

Ի բանիս.

Առ

Անուսինն իմ Աննա

Սիրեցեալդ իմ Աննա.

Կենաց եւ մահուանս մէջէն կը գրեմ Բեզ սոյն արսասուտից նամակս, որն որ երագիս մէջ խոսացայ թէ՛ երեք շաբաթէն վերջ կսանաս վերջին նամակս եւ ահա կը կասարուի այն չարագուռակ իսուր երագը :

Աննա՛, կարծես թէ երկուքիս ալ նոյն սեւ աստիկն սակը ծնած եմք, բայց քու աստղդ քիչ մը լուսաւոր է քան զիմ. զի դու հայրենեացոյ ծոցին ու բարեկամացոյ գրկին մէջ կը զգնուիս, բայց ես աս բաներու խորերը անգութ եւ անողոք մարդ ըսուած գազանաց նիրաններուն մէջ :

Ես անմեղութեան զոն եղայ, բայց դու կապրիս քու եւ իմ անդրանիկ վերջին եւ առաջին պտուղայդ թող ըլլայ քեզ մխիթար :

Երկուքիս ալ ծաղկի պէս դեռ չ'բացուած, արմասախիլ իրարմէ թառամեալ բաժնուեցանք. թէպէտ նպասակնիս այսպէս չէր, բայց հակասագրնիս այսպէս իսուր գրուած էր : Աշխարհ գիտէ այդ սեղ որ ես ազգիս սիրուն ամէն բան ուրացայ, տուն, սեղ, բարեկամ, ազգական, ա՛հ, եւ զքեզ միանգամայն :

Խաբեբայէ մը խաբուած այս սեղն եկայ, թերես բան մը շահիմ ապագաս բարւոյնիւ յուսով. բայց մնացած յոյսս որ կեանքս էր՝ ան ալ անոր հրդեհին մէջ վառուեցաւ, անմեղ էի եւ անմեղ զոհուեցայ :

Մնաս բարեա՛ւ , Գայիանէս գգուէ ու նովաւ մխի-  
բարուէ զոր չտեսայ . յուսով եմ որ անդին պիտի տես-  
նուիմք , երբ դասաւորն այս կողմի դասաւորաց պէս  
անգուր չէ :

Վերջին համբոյր մը եղ ու Գայիանէիս , մնասջիք  
բարեա՛ւ , Հայրենիք եւ դուք Բարեկամք զի մեռա՛ւ (1)

**ՆՇԱՆ ԱՌԵՏԻՍ ՇԻՐՎԱՆՆԱՆ**

**Վ Ե Ր Ջ**



(1) Սոյն նամակը գրած միջոցիս արդարև սարսափելի վիճակի մէջ էի , այն-  
պէս որ ինքնիրմէս ձեռք բաշած էի : Քառասուն և երեք օր բանտ մնացի , եթէ  
տասն օր ևս մնայի , անշուշտ արևէս պիտի զրկուէի . բայց փառք Աստուծոյ  
ազատեցայ և ողջ եմ :

**Վ Ե Ր Ջ Ա Ք Ա Ն**

Գրեոյիս , որ իմ՝ Ոսանիկի երեսէն կրած չարչարանացս մի  
համառօտ նառը կրնայ համարուիլ , սակաւին նորա անցիցը  
պատմութեան ամբողջութիւնը չի կազմեր . զի Պազէնի դասա-  
սանը՝ որ գործոյն մեծութեամբ խիստ ընդարձակ դիրք մ'ունե-  
ցաւ , բաղդասմամբ գործոյս , Ոսանիկին չափ երկար չը տեսց :  
Երբ հարսար գրիչ մը ասի իրեն նիւք առած նեմարիտ վէպ մը  
յօրինէր , արդարեւ խիստ նշանաւոր եւ շատ հետաքրքրական  
բան մը պիտի ըլլար :

Ոսանիկ , իւր գծած յասակագծին մէջ երբէք սխալած չէր ,  
իւր կործանումն իւր խորհրդեան ոչ ումեք չհաղորդելէն ծնունդ  
առաւ . այս ալ իւր անձնապատասան եւ բնական աշխոյժին  
կոթնած ըլլալէն յառաջ կուգար :

Ոսանիկ , բէպէտեւ աղբաս ընտանիքի մը զաւակ , բայց  
բաղդը իւր նակսին վերայ հարսութիւն գրած էր (բայց ոչ այս-  
պէս) , երբ զինքն առաջնորդող ոտից շաղկապը հետեւէր : Այս  
խոտորումը եղծեց իւր փայլուն նակասագիրը , եւ այն նշանա-  
ւոր ծնունդը իբրեւ վիժած մը Փարիզու բանտից անկիւններուն  
մէջը նետուեցաւ , որով անպատուեց իւր անձը , վշտացուց իւր  
ազգը եւ բռնաւաճուց իւր հեգ հայրենակիցը որ յայն կը  
պարծէր :

Երբ Աստուած տայ՝ Ոսանիկ ապրի այն բանտերուն մէջ , ել-  
նելէն վերջը նոր աշխարհ մը պիտի տեսնայ , իւր անձնապատ-  
ասան գաղափարները փոխելով՝ լուրջ շաղկի մը հետեւելու : Իւր

հակօրին վերայ եւ Գաղղիոյ ասենական արձանագրութեանց մէջ  
իրեն համար դրոշմուած այն ժխտը վերստուրեան . . . . .  
եղծուիր միտս կը մաղթէ ու բարեմաղթէ՝

*իւր հաւնալիշջը*


**ՆՇԱՆ Ա. ՇԻՐՎԱՆՆԱՆ**


*(Faint, mostly illegible Armenian text)*



Տպագրութեան առանձնագրորհուրիւնն հեղինակին  
վերապահուած է





A decorative border with intricate scrollwork and floral patterns surrounds the text.

Գին  $\frac{1}{4}$  Մեծիս

ՀՀ Ազգային գրադարան



NL0347863

47984

